

09.03 MARELLA

Il magliacudeschs – ir atgnas vias

En il «Magliacudeschs» discurra Esther Krättli cun giasts davart cudeschs che dattan en egl.



En il center da l'emissiun stattan dus cudeschs cun protagonists che han decidà ir lur atgna via. Ils giasts dal «Magliacudeschs» èn questa giada Cristina Gregori e Salome Michael. Set onns suenter il success «Tamangur» discurren nus dal segund roman da Leta Semadeni. «Amur, grosser Fluss» è in'istorgia d'amur che viva da cuntrasts e che permetta inscunters cun figuras or da l'emprim roman da la scriventa e poetessa engiadinaisa. Il roman «Tell» da Joachim B. Schmidt raquinta l'istorgia da l'erox naziunal svizzer or da la perspectiva da persunas dal conturn da Guglielm Tell. Uschia nascha in maletg d'ina persunalità che surprenda: in Tell marmagnus ed agen.

Redacziun: Esther Krättli